

# جريدہ عدلیہ

نومبر ۱۶۴

۱۷ ربیع الاول ۱۳۳۲ ۲۰ کانون ثانی ۱۳۳۰

دوبئی سنہ

صالی

قِسْمِ رِجَالِ

نوبہرات عدلیہ

عدلیہ نظارتنک منحل اولان سجل مأموریتہ درساعات وپارس حقوق مکتبلرندن مآذون وھیئت تفتیشیہ رفاقتہ مأمور اولوب برمدتنبیری مدیریت مذکورہ وکالتده مستخدم اولان حسام الدین حیدر بک تعین اولمشدر .

بوارادہ سنیه نك اجراسنه عدلیہ ناظری مأمورددر .

۲۷ صفر ۱۳۳۳ ، ۱ کانون ثانی ۱۳۳۰

نمہ رشاد

عدلیہ ناظری      صدراعظم  
ابراہیم      محمدسعید

\*\*\*

درساعات بدایت محکمہ سی مدعی\* عمومیلکی باش معاونلکنہ تحویل مأموریتی اجرا قلنسان بہاءالدین بک مأموریت مذکورہ بی قبولدن استکاف ایتسنہ مبنی مستعفی عدیلہ یرینہ اسکدار بدایت محکمہ سی اعضا ملازملرندن نصرت واسکدار بدایت محکمہ سی اعضا ملازملکنہ قارتال قضائی ملغابدایت محکمہ سی مدعی\*



عمومیلکنده مسبوق الحدمه در سعادت استیناف محکمه سی حقوق دائره سی کتبه سندن رشید بکر و حلب ولایتی استیناف محکمه سی اعضا سندن کالوس افندینک عزایله یرینه متفک سنجای بدایت محکمه سی مدعی عمومی اسبقی عمر عونی واقسرای قضای بدایت محکمه سی ریاسته کرماسی قضای بدایت محکمه سی رئیس نظم و کرماسی قضای بدایت محکمه سی ریاسته ترفیعاً خوپه قضای بدایت محکمه سی مدعی عمومی حسین حسنی واطنه ولایتی استیناف محکمه سی اعضا ملازم لکنه تعیین اولان صلاح الدین افندینک قبل العزیمه وقوع استعفا سنه مبنی یرینه ولایت مذکوره ملقا تجارت محکمه سی اعضا لگندن آچقده فالان عثمان نوری و عینتاب سنجای بدایت محکمه سی اعضا سندن عمر لطفی افندینک عزایله یرینه ارضروم ولایتی استیناف محکمه سی اعضا ملازم سابق فخر الدین و حوران سنجای بدایت محکمه سی اعضا سندن امین حکیم افندینک وقوع استعفا سنه مبنی یرینه جده سنجای بدایت محکمه سی اعضای سابقه سندن سروری و مار دین سنجای بدایت محکمه سی اعضا لگنه ملقا بصره بدایت محکمه سی اعضا ملازمی محمد شوق و اربیل قضای بدایت محکمه سی مستنطق لکنه چوله مرک قضای بدایت محکمه سی مستنطق حنفی افندیلر نقل و تعیین اولنش و در سعادت تجارت محکمه سی اعضا ملازم لگندن نیقوغوص افسدی ایله بک اوغلی بدایت محکمه سی اعضا ملازم لگندن کاظم و یافه قضای لوا بدایت محکمه سی مدعی عمومی علی کمال افندی ایله لازقیه سنجای بدایت محکمه سی مدعی عمومی احمد یمنی واردک قضای بدایت محکمه سی مدعی عمومی مصطفی افندی ایله قره جه بک قضای مدعی عمومی مصفی جمیل و عینتاب سنجای بدایت محکمه سی اعضا سندن مظلوم افندی ایله اورفه سنجای بدایت محکمه سی اعضا سندن اسماعیل راسم و حلب ولایتی مرکز بدایت محکمه سی ایکنجی مستنطق محمد توفیق افندی ایله حما سنجای بدایت محکمه سی مستنطق حسن توفیق و عشاق قضای بدایت محکمه سی مستنطق جواد افندی ایله مدانیه قضای بدایت محکمه سی مستنطق خیر الدین بک و افندیلرک بجایشاری اجرا قلمشدر .

بواراده سنیه نک اجراسنه عدلیه ناظری مأمورد .

٢ ربیع الاول ١٣٣٣ ، ٥ کانون ثانی ١٣٣٠

محمد رشید

عدلیه ناظری  
ابراهیم  
صدر اعظم  
محمد سعید

\* \*

در سعادت ایکنجی تجارت محکمه سی ریاسته ایدین ولایتی استیناف محکمه سی حقوق و تجارت دائره سی رئیس زهدی افندی و ایدین ولایتی استیناف محکمه سی حقوق و تجارت دائره سی ریاسته محکمه مذکوره جزا دائره سی رئیس احسان بک و ولایت مذکوره استیناف جزا محکمه سی دائره سی ریاسته اطنه ولایتی

استیناف محکمه سی جزا دائره سی رئیس جمال واطنه ولایتی استیناف محکمه سی جزا دائره سی ریاسته در سعادت ایکنجی تجارت محکمه سی رئیس یوانا کی افندیلر نقل و تعیین اولنشدر .

بواراده سنیه نک اجراسنه عدلیه ناظری مأمورد .  
٥ ربیع الاول ١٣٣٣ ، ٨ کانون ثانی ١٣٣٠

محمد رشید

عدلیه ناظری  
ابراهیم  
صدر اعظم  
محمد سعید

\* \*

ادرنه ولایتی مرکز بدایت محکمه سی ایکنجی مستنطق یوسف ضیا افندی لدی الاقتضا ولایت مذکور داخلنده کی بالعموم لوا و قضایر بدایت محاکمی نزدنده امور استنطاقیه بی رؤیته مأذوندر .

بواراده سنیه نک اجراسنه عدلیه ناظری مأمورد .  
٥ ربیع الاول ١٣٣٣ ، ٨ کانون ثانی ١٣٣٠

محمد رشید

عدلیه ناظری  
ابراهیم  
صدر اعظم  
محمد سعید

\* \*

در سعادت ایکنجی تجارت و تجارت بحریه محکمه لری اعضا و اعضا ملازم لکری عنوانی دخی اقسامندن بولندقلری در سعادت بدایت محکمه سی اعضا و اعضا ملازم لکی عنوانه تبدیل ایدلشدر .

بواراده سنیه نک اجراسنه عدلیه ناظری مأمورد .  
٥ ربیع الاول ١٣٣٣ ، ٨ کانون ثانی ١٣٣٠

محمد رشید

عدلیه ناظری  
ابراهیم  
صدر اعظم  
محمد سعید

## تلیفات عمریه

عمریه نظارت جلیله سنده نظیر اولنانه ١١ ثانیه اول سنه ٣٣٠ تاریخلی خبرات عمومی صورنیر :

« معامله ده تشوش وقوعه میدان ویرلامک اوزره بعد ازین صحیه مدیریته عائد بالجمله  
مخابره اورا فک « صحیه مدیریت عمومی سی » عنوان منفردینه خطاباً کوندر لسی  
لر و منه دائر »

بعض محاکم محرراتنک مجلس طیه ملکیه ، مکتب طیه نظارتی و صحیه نظارتی کی مختلف عنوانلر



آلئده اوله رق ضحیه مدیریت عمومیه سنه ارسال ایدلمکده و بویوزدن تذبذب و قوعه کلکده اولدیغندن معامله تشوش وقوعه میدان ویرلامک اوزره بعدازین بالجه خبره اوراقنک منحصر آ صحیه مدیریت عمومیه عنوان منفردینه خطاباً کوندرلمسی خصوصنه دقت و اعتنا اولمق اوزره اشبو تحریراتک نسخ کافیه سی دائرة مأموریتلری داخلنده کی محاکم و دوائر لاجل التوزیع لفا ارسال قلندی .

عمریه نظارت مبلید سنه نسطیر اولنانه ۳ ثانیه اول سنه ۳۳۰ تاریخلی تحریرات عمومیه صورتیدر :

« جزای نقدیه عائد رژی دعورالینک محاکم صلحیه ده رؤیتنه دأر »

توتون قچاقیلغنه متعلق دعاوینک فصل ورؤیتی صلح حاکمترینک وظیفه سی خارجنده اولسنه ودعاوی مذکوریه دأر محاکم مذکوریه جه متخذ مقرراتک محکمه تمیزجه نقض ایدلمکده بولسنه مبنی خلاف وظیفه مقررات اتخاذ ایدلامسی حقنده ۴ شباط ۱۳۳۹ تاریخنده تبلیغ اولنان تحریرات عمومیه ده دعاوی مذکوریه محاکم صلحیه نک وظیفه سی خارجنده عد ایدلمسی مجازات نقدیه نک تأدیه سندن امتناع وقوعی حائله آلتش برکوندن اوچ سنه یقدر حبس جزاسی حکم ایدله بیه جکده دأر رژی نظامنامه سنک الی دردنچی ماده سنده مندرج صراحت و قوانین خصوصیه ده مندرج اولوب منتهای جزاسی برسنه یی تجاوز ایدن جرائم متعلق دعورالک صلح قانونک سکننجی ماده سی موجبنه محاکم صلحیه نک وظیفه سی خارجنده برافلمش اولسنه مستند اولوب حالبوکه انحصار دخان قانون جدیدینک الی آلتنجی ماده سنده قانون مذکوریه مخالف حرکتده بولنانلرک محکوم بولنه جقلری جزای نقدینک مقداری نهیه بالغ اولورسه اولسون هر حالده حبسه تحویلی بر سنه یی تجاوز ایده میه جکی مصرح بولندیغندن بحثله توتون قچاقیلغنه عائد دعورالک محاکم صلحیه جه رؤیتی موافق قانون اوله جفی مطالعه سنه استناداً بعض محاکمه رژی دعورالینک صلحاً رؤیت ایدلمکده اولدینی بعض محالردن وقوع بولان اشعاراتدن اکلشلمسی اوزرینه کیفیت انجمن عدلیه یه لدی الحواله ۲ نیسان ۱۳۳۰ تاریخلی انحصار دخان قانونک الی آلتنجی ماده سنده مذکور قانونه مخالف حرکتده بولنانلر ویا قچاقیلر محکوم اولدقلری جزای نقدیه یی ایفا ایتمدکلری حالده بهر ربع لیرا ایچون برکون مدت حسابیه حبس اولنوب حکمک اجراسنه اجبار ایدله جکلری وهر حالده حبس مدتک برسنه یی تجاوز ایده میه جکی کوسترلمش اولسنه کوره توتون قچاقیلغنه متعلق دعاوینک محاکم صلحیه نک وظیفه سی خارجنده اولدیغنه دأر مذکور قانونک تنظیم ونشرندن اول تسطیر قلمش اولان سالف الذکر ۴ شباط ۱۳۳۹ تاریخلی تحریرات عمومیه نک مستند الیه ی اولان اسباب موجب قانونیه انحصار دخان قانون جدیدینک نشریه حکمسنر قلمش ایسه ده رژی جزای نقدیلری بعضاً ضبط ایدیلن توتونک کیلوسی اعتباریه تحصیل ایدلمکده اولسنه وضبط اولنان توتون یوز کیلو مقدارنده ویا ده زیاده بولنه جق اولورسه جزای نقدینک مقداری ده طقسان عثمانلی آلتونتی تجاوز

ایده بیه جکده نظر آ دعاوی مذکوریه نک رؤیتی صلح حاکمترینک قانون مخصوصنک سکننجی ماده قائمه سنده «مین وظائفی خارجنده قالمقه و انحصار دخان قانون جدیدینک نشری طولایسیله اسباب موجب قانونیه سی تبدله اوغرامش اولان سالف الذکر تحریرات عمومیه تفصیلات مسروده یه کوره نتیجه اعتباریه موافق بولدیغنه دأر امور جزائیه مدیریتنه بیان اولنان مطالعه نک موافق قانون کورلیدیکی و محکمه تمیز مقرراتک دخی الیوم بودائرة ده بولدینی درمیان ایدلمش و کیفیت بالعموم استیناف مدعی عمومیلکلرینه تبلیغ قلمش اولمغه دائرة مأموریتلری داخلنده کی محاکمه ده اطلاع حاصل اولمق و آکا کوره ایفای معامله اولمسی ...

## محکم تمیز مقراتی

محکم تمیز هیئت عمومی مقراتی

محکم تمیز هیئت عمومی سنه صادر اولوب ۱۱ ایلول سنه ۳۳۰ تاریخنده قراری دربره ۸۷۴ نومرولی اعلام صورتیدر :

« کفالت موقته »

ازمیرده کائن سلانیک بانق شعبه سی مدیر اول و ثانسی ادوار کیزر وره جی طورهل ایله ازمیرده پشتالجیلر باشنده مقیم مانیفاطوره تجارندن کیغورق آلتونیان افندی میانه سنده متکون دعاویه دأر آیدین استیناف محکمه سندن ۱۲ مایس ۳۳۰ تاریخلی ویکرمی عدلیه ویریلوب مدیران مزبوران طرفندن تمیزاً تدقیقی استدعا قلنان اعلام حکمنک اول امرده بالتدقیق قرار سابق منقوضه ثبات واصراری متمض اولدینی اتفاقله قرار کیر اولدقندن صکره اعلام مذکور طرفینک اعتراض وجواب لایحه لرله برابر هیئت عمومیه جه بالمطالعه تدقیقات تمیزیه اجراسنه ابتدار قلندی .

اعلام مذکور مندرجاتنه نظراً : مدیران مزبورانک باعرضحال ازمیر تجارت محکمه سنه مراجعتله مومی الیه کیغورق آلتونیان افندی ذمتنده جهت کفالتدن الاجقلری بولنان ایکی بیک عدد عثمانلی آلتوننک تحصیلی حقنده استحصال ایلدکلری اعلام علیه مومی الیه کیغورق آلتونیان افندی طرفندن استیناف دعوی اولمقله محکمه استینافیه جه سبق ایدن محاکمه و تدقیقات نتیجه سنده مبرز مقاوله نامه زیرنده کی کفالت شرحنده مبدأ بیان اولمیه رق آوانس بدلندن آغوب بالقجیان افندینک سلانیک بانقه سنه اولان دینندن ایکی بیک عثمانلی لیراسی ایچون طقسان برکونه قدر کفیل عبارتیه سی مسطور اولسنه نظراً مومی الیه آلتونیان افندینک کفالتی کفالت موقته قیلندن اولدینی تظاهرایلمش اولسنه و کفالت موقته ده ایسه مکفول لهک ذکر اولنان مدت ظرفنده مطالبه یه حق اولوب مدتک ختامنده کفیلک بری اوله جغه بناء اعلام مستأنف بهک فسخیه



بالتی مذکورک مومی الیه آلتونیان افندی به قارشو معارضه سنک منعه دائر صادر اولان اعلامک عندالتمیز کفالت شرحه مدعی علیه طرفندن تحریر و تمهید ایدیلان و عقد کفالتی تشکیل ایلان و کالتک الفاظ ایجابیه سندن اولان عبارده کفالتک مؤجل اولدیغنی مقید اولوب زیرینه یازیلان تاریخ کفالتک شکلنی تغییر ایتیه رک انجق عقد مذکورک تاریخ وقوعی بیاندن عبارت اولدیغنی درکار ایکن تاریخ مذکورده مبدأ کفالت عد و اعتبار ایدرک کفالت مذکورک موقت اولدیغنه ذهاب اولمسنک مخالفت قانونیه سندن ناشی نقض و اعاده اولمسی اوزرینه تکرار اجرا قلنان محاکمه و تدقیقات نتیجه سنده مبرز مقاوله نامه بلااستثنا هر درلو سبب و معاملاتدن متولد دینک برسنه ظرفنده اداسنه کفالتی متضمن اولوب شرح کفالتنامه ایسه اوانس بدلدن متولد دینه حصر ایدلمک صورتیه متن کفالتنامه ده کی شرائطی ناقص و مندرجاتک قبول ایدلمدیگنی مثبت بولنش ایکن بانقچه بوجهت حقنده برکونه اعتراض درمیان ایدلیه رک معرض حاجتده سکوت ایله لدی الحاجه استعمال ایتمک اوزره زدرلنده حفظ اولمسنه مبنی متن ایله شرح بیننده برکونه ارتباط موجود اولماسنه و شرحت آلتنده کی تاریخ مبداء کفالت عد ایدلیوب کفالتک تاریخ وقوعی بیاندن عبارت اولسه بیله مبداء تصریح ایدلیه رک منتهاسی ذکر اولنان و مبداء و منتهاسی ذکر اولنمایه رق توقیتاً عقد ایدیلن کفالتلرده بین الناس مقصود اولان کفالتی بروقت ایله توقیت او وقتک انقضاسندن صکره کفالتدن براتی افاده ایتمکدن عبارت اولمسنه و بناء علیه شرح و کفالتنامه ده کی تاریخ مبدأ کفالتی مفید اولسه بیله شرح مزبورده منتهی معلوم اولدیغنی جهته کفالت مذکورک دخی کفالت موقته قیلندن اولدیغنی احکام فقیهه اقتضاسندن بولمسنه بناء قرار سابق منقوضده ثبات و اصراره حکم و قرار ویرلدیکی آکلاشلمشدر. مستدعیلر طرفندن ویریلان لایحه ده متن سند موجبجه کفالت واقعه مطلقه اولدیغنی و امضا محلنده خود بخود یازلدیغنی اخیراً اکلاشیلان عبارده بانقچه قارشو نافذ و مؤثر اولمادیغنی و مذکور عبارتک طقسان برکون قدر اداسنه کفیل دیو محرر بولنسی کفالت مقیده معناسنی تضمن ایتدیکی و بانقچه اشبو مطلوباتی دیله دیکی وقت برسنه ظرفنده کفیلدن طلبه صلاحیتی بولندیغنی متن سندده محرر اولدیغنی درکار ایکن بوجهتک نظر دقته آلتامسی یولسز اولدیغندن وافادات سائردهن بحثله اعلامک نقضی و لایحه جوابیه ده دخی اعتراضات مسروده غیر وارد اولدیغنی بیانیه ردی و اعلام مذکورک تصدیق طلب و استدعا ایدلمشدر.

ایجاب کیفیت مذاکره اولندقدده مستدعیلر طرفندن هر نه قدر بالاده محرر اعتراضاته استتاداً اعلام مذکورک نقضی طلب و استدعا اولنقدده ایسه ده اعلام میز بهک نتیجه مفادی: مدعیلرک جهت کفالتدن طولای کیغورق آلتونیان افدیدن طلب و دعوی ایلدکری ایکی بیک لیرانک مستند الیهی اولان کفالت سندینک زیرینه مبدای بیان اولنیه رق آوانس بدلدن بالقجیان افدینک سسلانیک بانقچه سنه اولان دینندن ایکی بیک لیراسی ایچون طقسان برکونه قدر کفیل عبارت سنی تحریر ایتمش اولان آلتونیان افدینک کفالتی عرف و عادت ناسه نظراً کفالت موقته اولدیغنی اکلاشلمشندن ناشی نقض واقعه قارشو قرار سابق منقوضده

ثبات و اصراره حکمدن عبارت اولسنه نظراً حکم مذکور اسباب موجبیه مستند و اصول و قانونه موافق اولدیغندن غیر وارد اولان اعتراضات مبحث عنهانک ردیه اصول محاکمه حقوقیه قانوننک ایکی یوز قرق ایکسجی ماده سنک فقره اخیره سی حکمنه توفیقاً اعلام استینافی مذکورک تصدیقه ۱۱ ایلول ۳۳۰ تاریخنده هیئت عمومیه جه اکثریتله قرار ویرلدی.

### حکم تمیز حقوق دره سدرلی

حکم تمیز حقوق دره سدرلی صادر اولوب ۲۱ مایس سنه ۳۳۰ تاریخنده قرار ویریلده ۲۷۴ نومردی اعلام صورتیدر:

« بینهما و رضاء طرفین ایله تقسیم اولنان عقارات املاک صرفه دن اولدیغنی تحقق »

ایتدیکی تقدیرده بوجهتک دخی بالحا که تدقیق اقتضا ایدر »

سعد قصبه سنک سوچه محله سنده مقیمون سید محمد بن سید حمزه و سید عبدالله بن سید اسمر ایله سید حسن بن سید حسین میانه سنده متکون دعوایه دائر سعد بدایت محکمه سندن ۲۶ تشرین اول سنه ۳۲۹ تاریخی ویکرمی بش عددیه ویریلوب مومی الیهامدن سید محمد طرفندن تمیزاً تدقیق استدعا قلنان اعلام طرفینک اعتراض و جواب لایحه لرله برابر بالمطالعہ ندقیقات تمیزیه اجرا سنه ایتدار قلندی.

اعلام مذکور مندرجاته نظراً: مومی الیه سید حسن باعراً محکمه مذکوریه مراجعتله: کندو- سنک جددن انتقالاً و مومی الیهما سید محمد و سید عبدالله ایله مشترکاً متصرف اولدیغنی معلوم الحدود و المواقع طقوز قطعه ترلا و برقطعه باغ و بر باب خانه ده کی حصص شایعه سنک قضاء تقسیم و افرازینی طلب و دعوی و برقطعه وراثت حجتی ابراز و اعطا و مدعی الیهامدن سید عبدال منازع فیه ترلاردن بر اشفا نام ترلا الیوم کندوسنک و دیگرلری مومی الیه سید محمدک یدنده بولندیغنی و دیگر مدعی علیه مومی الیه سید محمد دخی بوکی ایشدن متولد دعوانک رؤیتی محکمه شرعیه عاڈ و محکمه نظامیه نک وظیفه سندن خارج بولندیغنی و مذکور اراضی کندو پدرندن انتقال ایدرک قرق سنه دنبری عهدۀ تصرفنده بولنسی حسیله دعوی واقعه نک مرور زمان نقطه سندن ردی لازم کله جکنی و بناء علیه اراضی و املاک مدعی بهادن بر اشفا نام ترلایه سید عبدال و دیگر سکر قطعه ترلا و برقطعه باغه کندوسنک و خانه ده کندوسیه مدعینک مشترکاً وضع ایتکده اولدقیری کی اموال منازع فیهای و قتیله کندوسنک و مدعینک پدرلری خارجاً تقسیم ایتدکرینی افاده و انبا الیملری اوزرینه محکمه جه اول امرده مدعی عمومی حضوریه وظیفه و مرور زمان ادعالرینی بالتدقیق رد و ذی الیدلک بالبنیه اثبات و اراضی و املاک منازع فیهایه مدعی الیهامردن سید محمدک



کیفیت تصرفی محلی طابو اداره سندن استعلام اوله رق ، اون قطعه دن عبارت اولان مذکور اراضی تعمیماً سید احمد و سید حمزه و سید عبدال و زلفی ناملرینه مقید ایکن بونلردن سید احمدک بلا ولد وفاتی جهتیه حصه سی برادر زاده لری مرقوم سید عبده و سید محمد و مرقوم سید حمزه نک دخی فوتندن حصه سی اوغلی سید محمد و خانه ایسه مرقوم سید حمزه ایله مزبور زلفی بنان سید عبداللهک و بونلردن سید حمزه نک فوتندن حصه سی اوغلی محمد و زوجہ سی مریم ناملرینه مقید بولندیغنه و بیانات سائرہ دایر اداره مباحوث عنہادن وارد اولان جواب بالمطالعہ محال منازع فیهانک اصولاً اجراسی تفہیم و افرازی قرارگیر اولدقدن صکرہ تقسیم واقع نتیجہ سندنہ مدعی حصہ سنہ اصابت ایدن ایکی قطعه ترلایہ مدعی علیہانک مداخلہ واقعہ لرینک منعہ و باغ و خانہ نک قابل تقسیم اولماسنہ بناء دہ طرفین متخاصمین میانه سندنہ مشاء تصرف اولنسنہ حکم و قرار ویرلدیکی آکلاشمشدر مستدعی تمیزسید محمد طرفندن ویریلان لایحہ مدعا بہ املاک و اراضینک موروث اولان قسمی مدعینک حال حیاتہ بولتان پدری سید حسن ایله قرق سنہ اول رضاء تقسیم اوله رق و رضاء طرفین ایله هر کسک حصہ سنہ اصابت ایدن مقداری تملک و تصرف ایتش و بحکم المجله خارجاً وقوع بولان قسمتک مرعی و معتبر اوله جنی آشکار بولنش ایکن محکمہ جہ بووادیدہ درمیان اولتان ادعاسنک تدقیق اولنامسی یولسز ایدوکنندن و افادات سائرہ دن بحثله اعلامک تقضی و لایحہ حواییہ دخی اعلام مذکورک تصدیق طلب واستدعا ایدلمشدر .

ایجاب کیفیت مذاکرہ اولندودہ : خصوص مدعی ہرنہ قدر بروجہ مشروح حکم و قرارہ ربطا و لنش ایسہ دہ اول امر دہ عقارات مذکورہ نک املاک صرفہ و یا خود اراضی امیرہ دن اولوب اولمادینی و دفتر خاقانی قیدندہ عقارات مذکورہ قدیماً مید احمد و سید حمزه و زلفی و سید عبدال ناملرینہ مقید ایکن بونلردن سید احمدک بلا ولد وفاتی جهتیه حصہ سی برادر زاده لری سید عبدال ایله سید محمد و سید حمزه نک دخی فوتندن حصہ سی اوغلی مرقوم سید محمد و خانہ دخی مرقوم سید حمزه ایله زلفی بنان سید عبداللهک عہدہ لرندہ ایکن سید حمزه نک فوتندن حصہ سی اوغلی سید محمد و زوجہ سی مریمہ انتقال ایلدیکی کوسترلمکدہ و کرچہ بونلردن سید حمزه نک وفاتی اوزرینہ ورثہ سی کیملردن عبارت اولدینی و مسئلہ ارثیہ لری ابراز اولتان حجت شرعیہ دہ ارثہ قلمبقدہ ایسہ دہ مرقوم پدرلرک جد اعلالری اولق لازم کلان عبداللہدن بدأ ایله الیوم متوفی و یا برحیات اولان منسوبینک یکدیگریہ اولان جهت قرابت و عقارات مذکورہ دہ کی حصہ ارثیہ و یا انتقالیہ لری تحقیق و اسباب ثبوتیہ سیلہ برابر صورت واضحہ دہ اعلامہ درج اولنقی لازم کلور ایکن بویولدہ معاملہ اولنامسی و مدعی علیہ و کیلی یوسف افندی عقارات مذکورہ مدعی سید حسنک پدری ایله کندی موکلی سید محمدک پدری بینندہ اراضی مأمورینک اذنی اولمقسزین مقدا رضاء طرفین ایله تقسیم اولندیغنی بیان ایتمکدہ اولوب عقارات مذکورہ نک املاک صرفہ دن اولدینی محقق بولندیغنی تقدیردہ بوجہ نک دخی بالحاکمہ تدقیق اقتضا ایتمکدہ اولدینی حالہ اشبو ادعانک نظر اعتبارہ آلتنامسی و محکمہ جہ املاک مذکورہ نک

نوعی تعیین اولمقسزین حمزه نک وفاتی اوزرینہ استحصال اولتان حجت شرعیہ موجبجہ ورثہ نک املاک صرفہ دہ حائر اولدقلری حقوق ارثیہ توفیقاً تقسیمہ قرار ویرلسی و تقسیمہ مأمور اولان نائب مدعی بہ اون پارچہ اراضیدن ایکی قطعه ترلای اکلایشیہ میان علل و اسبابہ مستنداً و مجله نک بیک یوز اتوز سکنرنجی مادہ سنہ مغایر اوله رق قسمت جمع قاعدہ سنہ توفیقاً مدعی بہ اعطا ایتسی اوزرینہ قسمت مذکورہ نک تصدیق اولنسی مغایر قانون اولدیغندن اصول محاکمہ حقوقیہ قانوننک ایکی یوز قرق برنجی مادہ سی موجبجہ اعلام مذکورک نقضیلہ قانون مزبورک ایکی یوز قرن دردنچی مادہ سی حکمنہ توفیقاً کیفیتک بالرؤیہ اعلامہ ربطی ضمنندہ محکمہ مذکورہ یہ اعادہ سنہ وزیردہ مفرداتی و معطیسی محرر مصارف تمیزیہ نک ایلرودہ حقسز چیقہ جق طرفہ عائد اولسنہ ۲۱ مایس سنہ ۳۳۰ تاریخندہ متفقاً قرار ویرلدی .

محکمہ تمیز مقورہ دائرہ سندنہ صادر اولوب ۳ ضربارہ سنہ ۳۳۰ تاریخندہ قرار ویریلدہ ۴۹۰ نومردی اعلام صورنیدر :

« قبضہ وکالت بحکم المجله خصوصتہ وکالتی تضمن ایتز »

اطنہ ناحیہ سنہ تابع آخور قریبہ سندنہ مقیم ابراہیم حلمی افندی ایله ادرندہ دہ حکومت قونانچی جوارندہ کی یازیخانہ سندنہ کی دعوی وکیلی قرہ بت پاننیک افندی بینندہ متحدث دعوا یہ دائرہ ادرنہ تجارت محکمہ سندن ۱۲ حزیران ۳۲۸ تاریخ والی بش عدیلہ ویریلوب مرقوم ابراہیم حلمی افندی طرفندن تمیزاً تدقیق استدعا قلنان اعلام باش مدعی عمومیک مأموریت علیہ سنک مطالعہ نامہ سی آلدقدن صوکرہ طرفینک اعتراض و جواب لایحہ لرلہ برابر بالمطالعہ تدقیقات تمیزیہ اجراسنہ ابتدار قلندی .

اعلام مذکور مندرجاتنہ نظراً مومی الیہ قرہ بت پاننیک افندی محکمہ مذکورہ یہ باعرفحال مراجعتلہ مومی الیہ ابراہیم افندی ذمتندہ نامنہ جیروایدنش امرہ محرر برقطعه سند موجبجہ الہ جنی اولان اتوز عدد لیرای عثمانینک تحصیل حقندہ اقامہ ایلدیکی دعوی اوزرینہ عن الغیاب استحصال ایلدیکی اعلام علیہ مومی الیہ ابراہیم افندی بالاعتراض مستند ادعا اولان سند ہرنہ قدر امرہ محرر ایسہ دہ حاوی اولدینی مبلغ اراضی بدل ایجاریہ متدائر و بناء علیہ اکا استناداً اقامہ اولسان دعوای واقعہ نک رؤیتی محکمہ حقوقہ عائد اولدینی یولندہ درمیان ایلدیکی وظیفہ اعتراضک مدعی عمومی حضوریلہ بالتدقیق ردینہ قرار ویرلدکدن صوکرہ جریان ایدن محاکمہ و تدقیقات نتیجہ سندنہ معترض مومی الیہک سند مذکور ظہرندہ محرر جیرونک سند مذکور محتویاتی تحصیلہ وکالتی تضمن ایلدیکنہ و سائرہ دہ دائر درمیان ایلدیکی مدافعہ و اعتراضاتک کرک حامل اولہ و کرک حامل ثانی یہ قارشی تأثیری اولہ میہ جنی کی بویہ بر شرطک وجودندن معلوماتی



اولادینغه دائر حامل اول اونیک درونیاک تحلیفهده طالب اولامش و بناء علیه اعتراضات مسروده اعلام غیابی رد و جرح ایدر برماهیتده کوریه مامش اولسنه بناء ردیه اصول محاکمه حقوقیه قانونک یوزاللی سکزنجی مادهسی موجبجه حکم غیابینک تصدیقه قرار ویرلدیکی آکلاشلمشدر .

مستدعی تمیز ابراهیم حلمی افندی طرفندن ویریلان لایحه اعتراضیهده : مستند ادعا اولان سندظهرنده محرر جیرونک عبارهسنده اچهنک جهت استیفاسی کوسترلامش اولدینی جهته واقع اولان جیرونک وکالت حکمنده اولهجنی درکار ایکن محکمهجه بوجهتک نظر دفته آلمیهرق برمنوال محرر قرار ویرلمسی مغایر قانون اولدیغندن بجهته اعلامک تقضی و لایحه جوابیهده دخی غیر وارد اولان اعتراضات مسرودهنک ردیه موافق اصول و قانون اولان اعلام مذکورک تصدیق طلب واستدعا اولمش و آنفالبیان مطالعهنامه مفادی دخی مستند ادعا اولان سندک شرائط قانونیهی جامع امره محرر سندادن معدود اولسنه کوره وظیفه حقنده اتخاذ اولنان قرارک موافق قانون کوردلیدیکی بیانندن عبارت بولمشدر .

ایجابی مذاکره اولندقدده خصوص مدعی هرنه قدر بوجه بالا بالرؤیه اعلامه ربط اولمش ایسهده درونیا طرفندن ظهر سنده یازیلن شرحده جیرونک شرائط اصلیهسندن هیچ بری موجود اولماسیله شرح مذکور مجرد قبضه وکالتدن عبارت بولندینی وقبضه وکالت ایسه بحکمالمجله خصومه وکالتی تضمن اتمیهجکنه کوره مدعی قرهبتک اشبو سنده بناء بالا حاله بودعوائی اقامیه صلاحیتی اولمدینی حالد سندن بدلک کندوسنه اعطاسنه قرار ویرلمسی مخالف قانون اولدیغندن اصول محاکمه حقوقیه قانونک ایکیوز اوتوز ایکنجی مادهسی موجبجه اعلام مذکورک تقضیه قانون مزبورک ایکی یوز قرق دردنجی مادهسی حکمنه توفیقاً کیفیتک بتکرار بالرؤیه اعلامه ربطی اضممنده محکمه مذکوریه اعادهسنه و مصارف تمیزیهنک ایلروده حقسنر چیهجق طرفه عائد اولسنه ۳۰ حزیران ۱۳۳۰ تاریخنده متفقاً قرار ویرلدی .

محکمہ تمیز مقررہ دائرہ مندرجہ صادر اولوب ۲۱ فریادہ سنہ ۳۳۰ تاریخندہ قراری اعطا اولناہ ۵۹۹ نومرولو  
اعدام صورنیر :

« شاهدلر عین مادهدن دولای دائرہ استنتاجه مظنون علیه بولندقلرندن دولای بوبابدهکی شهادتلیرنک شایان قبول اولمدینی حقنده سرد اولنان ادعاک تبیین حالنده شهادت واقعہ دفع مغرم شائبهسندن عاری اولمیهجفنه دائر »

انطالیه سنجاغک انخی یوسف محلهسنده ساکنه متوفی عمر لطفی افندی زوجه وایتامی وصیهسی زبیده خاتم ایله برغنیه محلهسنده مقیم فرانکیادی انسطاش مخدومی میچو بیتنده متحدث دعوایه دائر انطالیه بدایت محکمهسندن ۸ کانون ثانی سنہ ۳۲۹ تاریخی وایکیوز طقسان الی عددیله ویریلوب مزبورہ زبیده خاتم

طرفندن تمیزاً تدقیق استدعا قلنان اعلام باش مدعی عمومیک مأموریت علیه سنک مطالعه نامهسی الدقدن نصکره طرفینک اعتراض و جواب لایحه لایله برابر بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً : مرقوم میچو محکمه مذکوریه باعرضحال مراجعتله متوفای مزبورہ عمر لطفی افندینک حال حیاتنده امورینه کندیسنک صرف و متوفای مومی الیهک قبول ایتدیکی ایکی بیک بشیوز طقسان الی غروش ایله کذلک مومی الیه حال حیاتنده تسلیم ایتش اولدینی اون التیشیر لیرای عثمانی حای ایکی قطعه مصر تحویلات قوبونلرینی بعدالوفات زوجهسی وایتامی وصیهسی زبیده خاتم اعاده وتسلیمدن امتناع ایلدیکنندن استردادینی طلب و دعوی و برقطعه عادی پوصله ابراز واعطا ایلسی اوزرینه محکمهجه مدعی اعاره حقنده بشقهجه اقامه دعواده مختار اولق اوزره یالکز مطلوبات دعواسنک رؤیتنه قرار ویرلدکدن نصکره مدعی عمومی حضوریه جریان ایدن محاکمه و تدقیقات نتیجهسندن مدعی میچونک بوجه محرر دعواسی استماع قلنان شهودک شهادتلیله ثابت اولمش ودعوانک ترکیه تعلقی حسیلله مدعینک استظهاراً تحلیفی دخی اجرا قلنمش اولدیغندن مجلهنک بیک سکز یوز اون سکزنجی مادهسنه توفیقاً مدعا بهایک بیک بشیوز طقسان آلی غروشک ترکه متوفایه اضافه مدعی علیها زبیده خاتمدن تحصیلنه دائر غیاباً صادر اولان اعلامک عندالاعتراض تصدیقه حکم وقرار ویرلدیکی آکلاشلمشدر .

مستدعی مومی الیه طرفندن اعطا قلنان لایحه اعتراضیهده : مذکور دعوی ترکیه عائد بولندیغندن مرجع فصل ورؤیتی محکمه شرعیه اولدینی درمیان ایدلمش ایکن نظر دفته آلمدیغندن واستماع قلنان شاهد مصطفی و آزاریان افندیلر متوفانک مبلغ مدعی بهی قبول ایلدیکنی بیان ایتمش ایسهده شاهدان مرقومان ترکه معاملاتندن ناشی دائرہ استطاجه قبل المحاکمه تحت مظنونیه آندقلری جهته شهادتلیرنک ردی مقتضی بولندینی حالد محکمهجه بولازمه قانونیه رعایت ایلدیکنندن بجهته اعلامک تقضی و لایحه جوابیهده دخی اصول وقانونه موافق اولان اعلام مذکورک تصدیق طلب واستدعا اولمش و آنفالبیان مطالعهنامه مفادی ایسه ترکه متوفانک تحریر اولوب اولمدینی محکمهجه تدقیق اولقمسزین وظیفه اعتراضک ردی و مدعی علیهانک مدافعهسنه نظراً شاهدلرک شهادت واقعهرینه متعلق اولق اوزره درمیان ایدیلان دفع مغرم تهمتنک صحت وعدم صحتی تبیین ایتکسزین وشاهدلردن برینک مشهودبه مقداری حقندهکی افادهسنده مبهمیت اولدینی حالد مقدار تعیین ایتدیرلمکسزین شهادته بنای حکم اولنسی یولسز و لایحه تمیزیهده مندرج اعتراضات بوصورتله وارد بولندیغندن اعلام مذکورک اسباب محرریه بناء تقضی لازمکلهجکی بیانندن عبارت بولمشدر .

اول امرده وظیفه حقنده درمیان اولنان اعتراضک بالتدقیق ردینه قرار ویرلدکدن نصکره اساس مادهنک ایجابی مذاکره اولندقدده استماع اولنان شاهدلر عین ترکدنطولای دائرہ استطاجه مظنون علیه بولندقلرندن نطولای بوبابدهکی شهادتلیرنک شایان قبول اولمدینی حقنده سرد ایدیلان ادعاک تبیین حالنده شهادت واقعہ دفع مغرم شائبهسندن عاری بولنمیهجنی جهته محکمهجه ردی اقتضا ایدر ایکن قبول ایلسی یولسز



اولدینی کی شاهدلردن مصافی افدینک متوفی طرفندن درتیوز کسور غروشدن ماعدا دینک قبول ایدلیدی یولنده واقع اولان شهادتی دخی مشهود بهک مقداری تعین ایدر صورتده برشهادت اولدیغندن شاهد مرقومک مقدار مدعی به حقنده کی شهادتک غیر معین اولق سیبیه ردی مقتضی بولدینی حالدیه محکمه جه بولازمه قانونیه رعایت ایدلکسزین غیر معین اولان شهادت واقعیه بناءً حکم واعطا ایدلمسی مخالف قانون و آنف البیان مطالعه نامه محتویاتی بوصورتله بجا اولدیغندن اصول محاکمه حقوقیه قانوننک ایکوز اوتوز ایکنجی و ایکوز قرق برنجی ماده لری موجبجه اعلام مذکورک تقضیه قانون مزبورک ایکوز قرق دردنجی ماده سی حکمنه توفیقاً کیفیتک تکرار بالرؤیه اعلامه ربطی ضمننده محکمه مذکوره اعاده سنه وزیرده مفردات و معطیسی مرقم مصارف تمیزیه نک دخی ایلروده حقسز چیه جق طرفه عائد اولسنه ۲۱ حزیران سنه ۳۳۰ تاریخنده متفقاً قرار ویرلدی .

محکمہ تمیز مرقوم دأره سنه صادر اولوب ۱۳ اگستوس نه ۳۳۰ تاریخلی قراری بربره ۱۰۸۳ نومردی اعلام صورتیدر

« قضاء وقوعبولان تقسیمده ورثه نک کافه سنک حضوری شرطدر »

نفس بیرونده مقیمون نقولا واجبا و نظریفه بنون اندراوس ایله سلیمان غزالک قزی فریده بیننده متکون دعوایه دأر بیروت ولایتی استیناف محکمه سندن ۱۶ کانون اول سنه ۳۲۹ تاریخی و اوتوز سکز عددی ایله ایله ویریلوب مرقومون نیقولاً ورفقاسی طرفندن تمیزاً تدقیق استدعا قلنان اعلام طرفینک اعتراض و جواب لایحه لریله بالمطالعہ تدقیقات تمیزیه اجراسنه ابتدار قلندی .

اعلام مذکور مندرجاتنه نظراً مزبورده فریده نک نصفه کندوسنک باطاپو و نصف دیکرینه جرجی اندراوس سابانک شایعاً متصرف اولدقلری معلوم الموقع والحدود فوقانی و تحتانی ایکی قات ابنیه یی محتوی برقطه عرصه ده یکرمی درت سهم اولق اعتبار یله حصه شایعه سی اولان اون ایکی سهمک قضاء افراز و تقسیمنی طلب و دعوی و برقطه سند خاقانی ابراز واعطا ایلسی و مدعی علیه مرقومک دعوت واقعیه اجابت ایلماسی اوزرینه غیاباً اجرای محاکمه یه لدی الابتدار محل مدعی بهک اولاً کشفی و موخرراً امر تقسیمی اهل وقوفه لدی الحواله قابل قسمت اولدیغنی و کیفیت تقسیمیه اولبابده قرعه کشیده اولنهرق موجبجه اجرای قسمت اولسنه دأر ایکی قطعه راپور آلدقدن صوکره جریان ایدن محاکمه و کشف و تدقیقات نتیجه سنده آنف البیان قسمت تقریری وجهله قسمت واقعیه نک صحنه دأر بیروت بدایت محکمه سندن استحصال ایدلیدی اعلام غیابینک عندالاستیناف بعض اسباب قانونیه دن طولای فسحیه دعوانک مجدداً رؤیتیه قرار ویرلمش ایسه ده مستأنف مرقوم جرجینک بواننده وقوع وفاته مبنی ورثه سی برادری مرقوم نیقولاً افندی ورفقاسنک حضورلریله

جریان ایدن محاکمه ده طرفینک محل منازعه فیله ذی ایدلککری بالینه ثابت و محل مذکورک یکیدن کشف و تقسیم قرارگیر اوله رق اولبابده بربرنی متعاقب ایکی قطعه راپور آلدقدن و مستأنفون مزبوروندن یالکز مومی الیه نیقولانک فوقانی قاتده برچوق اقسامک مورثلری مالندن انشا ایدلمش بولمیدنی حالدیه بونک ده اهل خبره طرفندن قیمتی تقدیر اولنان ابنیه ماننه ادخال ایدلیدکندن بوجهتک محکمه جه نظر دفته آنسی حقنده کی ادعاسی رد ایدلکدن و مستأنفون مومی الیهیم اخیراً محاکمه یه طورشمقدن امتناع ایلرلیله غیاباً محاکمه اجراسنه قرار ویرلدکدن صوکره جریان ایدن محاکمه و تدقیقات و کشیده اولنان قرعه شرعیه نتیجه سنده محل منازعه فیله مذکور راپور و قرعه شرعیه موجبجه تقسیمه دأر صادر اولان اعلام غیابینک عندالاعتراض تصدیقه و اعتراضات واقعیه نک ردینه حکم و قرار ویرلدیکی آکلا شلمشدر .

مستدعیل طرفندن اعطا اولنان لایحه ده اعلام ابتدائینک فسختدن صوکره یکیدن محاکمه استینافیه اجراسی لازم کلور ایکن محکمه جه یالکز مدعی بهک کشفیه اکتفا ایدلمسی و خانه نک تقسیمنده ورثه دن یالکز برینسک بولندیرلمسی و مذکور خانه نک قسم فوقانیسی اوزرنده طرفلردن وقوعبولان انشا آنک نظر تدقیق و اعتباره آنماسی و مورثلری جورجی اندراوسک انشای محاکمه ده وقوع وفاتی حسیبیه انحصار وراثتک بر موجب اعلام شرعی اثباتی جهته کیدلماسی یولسز و مخالف قانون اولدیغندن و افادات سائرده دن بحثله اعلامک نقضی و لایحه جوابیه ده غیروارد اولان اعتراضاتک ردیه موافق اصول و قانون بولنان اعلام مذکورک تصدیق طلب و استدعا اولنمشدر .

ایجابی مذاکره اولندقدن اعلام مذکورک مالندن مستبان اولدینی اوزره مدعی به محل قضاء تقسیم اولنش ایسه ده ورثه دن ذی الید بولنان اشخاص سائر بولندینی تقدیرده بونلرک جمله سنک انشای تقسیمده حضوری شرط اولدینی حالدیه اولبابده کی تقسیمک ورثه دن یالکز نیقولانک حضوریه اجرا ایدلمسی و مرقوم نیقولاً مذکور بنانک طرف فوقانیسی اوزرنده بعض انشآت احداث ایتش اولدیغنی و بونکده اهل خبره طرفندن قیمتی تقدیر اولنان ابنیه میاننه ادخال ایدلیدکدن محکمه جه بونک اقتضا ایدر ایکن بونک دخی نظر دفته آنماسی مخالف قانون اولدیغندن اصول محاکمه حقوقیه قانوننک ایکوز اوتوز و ایکی یوز قرق برنجی ماده لری موجبجه اعلام مذکورک تقضیه ایکوز قرق دردنجی ماده سی حکمنه توفیقاً کیفیتک وجه مشروح دأره سنده بالرؤیه اعلامه ربطی ضمننده محکمه مذکوره اعاده سنه و مصارف تمیزیه نک ایلروده حقسز چیه جق طرفه عائد اولسنه ۱۳ تموز سنه ۳۳۰ تاریخنده متفقاً قرار ویرلدی .



## حکم تميز استدعا دائره صدر اولاد

حکم تميز استدعا دائره صدر اولاد ٢٤ شربه تالي ٣٣٠ تاريخي ١٣٠٦ نومرولي اعلام صورتيه

« هیأت اتهامیه به اعتراضاً سوق اولنان مستنطق قرارنامه لری علیهنده در میان ایدیلان اعتراضاتک بالتدقیق شایان قبول کورلدیکی تقدیرده اجوبه قانونیه سنک ارائه سی اصولاً مقتضیدر »

معموره العزیز ولایتی هیئت اتهامیه سندن تنظیم واعطا قلنان ٤ مارت ٣٢٩ تاریخ و بشیوز یکرمی التی نومرولی مضبطه نك تميزاً تدقیقی مستدعی مدعی شخصی محمود حلمی افندی جانبندن معطی استدعایه ایله اوراق متفرعه سی باش مدعی عمومیک مأموریت علیهنده سندن با تبلیغنامه محکمه تميز استدعا دائره سنه تودیع اولمش ولدی التدقیق مذکور استدعایه نك مدت قانونیه سی ظرفده اعطا و شرائط لازمه سائر سنک دخی ایفا قلندینی اگلاشلمش اولدیغندن بالقبول تدقیقات تميزیه اجراسنه ابتدار ایدلدی .

مذکور مضبطه نك خلاصه مالی بیکباشی زاده محمد حلمی افندی علیهنه اقامه ایدوب بریحق سنه محکومیتی انتاج ایدن دعواده شهادت کاذبه ده بولندینی ادعاسیله مظنون علیه اولان محمدک شو حرکتک تاریخ وقوعه نظراً اولبابده کی اوامر مبلغه مقتضیاتجه تابع تعقیبات اولمدیغه ومدعینک ضرر وزیاندن طولای عاذاولدینی محکمه به مراجعته مختاریته دائر مستنطق جانبندن معطی قرارنامه علیهنده مدعی شخصی طرفندن وقوعولان اعتراض اوزرینه هیئت اتهامیه به بالتدقیق اولبابده کی اعتراضاتک ردیه سالف الذکر مستنطق قرارنامه سنک تصدیقه قرار ویرلدیکی متضمندر .

تیمیز استدعایه سنده مستنطق قرارنامه سی علیهنده در میان ایدلیکی اعتراضاتک هیئت اتهامیه به اجوبه ردیه سی بیان واره ایدلکسزین بوجه محرر اتخاذ قرار اولنسی مخالف اصول وقانون اولدیغندن بخله مضبطه مذکوره نك نقضی استدعا قلندینی کی تبلیغنامه ده دخی مدعی شخصی حلمی افندی علیهنده کی شهادتک ١٠ تموز ٣٢٤ تاریخندن اقدم وقوعندن طولای تعقیب دعوایه محل اولماسی اعتباریه محلی مستنطقلککنجه اساس جرمک تدقیقه کیریشلمیه رک مظنون مرقومک منع محاکمه سنه قرار ویرلمش وقرار مذکور علیهنه اعتراضده بولنان مدعی شخصی مومی الیه شهادت کاذبه نك ٢٦ مارت ٣٢٥ تاریخنده وقوعبولدینی محاکمه ضبطنامه سیله مثبت بولندینی یولنده سرد اعتراض ایلش اولقله هیئت اتهامیه به شو ادعا و اعتراضک تدقیقه جرمک ١٠ تموز ٣٢٤ تاریخندن مؤخر وقوعنک تبیینی حالنده مستنطق قرارینک فسخی ایله تحقیقات استنطاقیه دوام ایدلک اوزره اوراق اعاده سنه وعکسنک تحقیق صورتنده مستنطقلکجه عفو قانونیه تابع اولان حقوق عمومی دعواسنک سقوطنه قرار ویرلمک اقتضا ایدرکن منع محاکمه به قرار اعطاسنک قانونه مغایرتی حسیه

قرار واقعک کذلک بو نقطه دن فسخی ایله اولصورتله سقوط دعوایه قرار اعطاسی مقتضی بولندینی حالده اساس جرمه کیریشله رک مظنون مرقومک جرم مذکوره مجاسرتی حقنده دلائل قانونیه و اوصاف و شرائط قانونیه موجود اولماسی نقطه سندن قرار معترض بهک تصدیقه کیدلسی مخالف اصول وقانون وتیمیز استدعایه سی مندرجاتی بو صورتله وارد ونقضی مستلزم بولندینی بیانیله مذکور مضبطه نك اسباب محرره به بناءً نقضی طلب ایدلمشدر .

ایجاب کیفیت لدی المذاکره هیأت اتهامیه به اعتراضاً سوق اولنان مستنطق قرارنامه لری علیهنده در میان ایدیلان اعتراضاتک بالتدقیق شایان قبول کورلدیکی تقدیرده اجوبه قانونیه سنک ارائه سی اصولاً مقتضی اولسنه مبنی شهادت کاذبه ماده سندن طولای مظنون محمدک شو حرکتک تاریخ وقوعه نظراً اولبابده کی عفو قانونی احکامجه تابع تعقیبات اولمدیغه دائر تنظیم قلنان مستنطق قرارنامه سی علیهنده مدعی شخصی جانبندن معطی اعتراضنامه ده جرم مذکورک ١٠ تموز ٣٢٤ تاریخندن مقدم وقوعی اولبابده کی محاکمه ضبطنامه سیله مثبت اولسنه قارشو بوجه محرر اتخاذ قرار اولنسنک مغایرت قانونیه سندن بخله ذکر اولنان مستنطق قرارنامه سنک فسخی طلب وادعا اولنسی اوزرینه جرمک تاریخ وقوعه حقنده تدقیقات لازمه اجراسیله نتایج حاصلیه کوره قرار اعطاسی لازم کورکن هیئت اتهامیه به صورت محرره دائره سنده اکیال تحقیقات اولنقسزین وجرم مذکورک تاریخ مذکوردن صکره وقوعنک ثبوتیه کوره ده سقوط دعوی قراریه نتیجه لندیرلسی لازم کلان تدقیقات استنطاقیه نتیجه سنده مظنونک حرکت واقعه سنک تابع تعقیبات اولماسنه قرار ویرلسی کی اسباب فسخیه تشکیل ایدن خطیات نظر دقه التمسزین سالف البیان مستنطق قرارنامه سنک تصدیق اولنسی تبلیغنامه ده کوسترلدیکی اوزره یولسز ومغایر احکام قانون اولوب تميز استدعایه سی محتویاتی بو صورتله وارد وبجا اولدیغندن اصول محاکمات جزایه قانوننک اوچوز اون دردیجی و اوچوز اون طقوزنجی ماده لری منطوقجه مارالذکر هیئت اتهامیه مضبطه سنک بوسیدن قضیه احکام قانونیه دائره سنده ایفای معامله اولنقی اوزره اوراق دعوانک محله اعاده سنه ودرتیوز غروش اعلام خرجنک تعرفه وتعلیمات مخصوصه سی موجبجه ایلروده حقسز چیه جق طرفدن استیفا سنه ٤ اغستوس ٣٣٠ تاریخنده متفقاً قرار ویرلدی .

حکم تميز استدعا دائره صدر اولاد ٧ نوره اول سنه ٣٣٠ تاريخي ٣٣٠٠ نومرولي اعلام صورتيه:

« اورمان دعواسنده شهادات ایله مبرز ضبط ورقه سی پهنده حائز اثر مبانیت بولنماسی »

در سعادت استیناف محکمه سی جنبه دائره سندن تنظیم واعطا تجارت وزراعت نظارتی دعوا وکیل لازارا کی افندی جانبندن شرائط لازمه سی بالایفا مدت قانونیه سی ظرفده تميزاً تدقیق استدعا اولنان



۸ تشرین اول ۱۳۲۹ تاریخی اعلام و اوراق متفرعه سی باش مدعی عموم ملک مأموریت علیه سنک تبلیغنامه سیله برلشدریلرک محکمه تمیز هیئت عمومیه سنجه لدی التذقیق اعلام مذکورک اسباب زائدهیه مبتنی واصراری غیر متضمن اولدینی تحت قراره آلمش اولسنه مبنی محکمه تمیز استدعا دائره سنده تدقیقات تمیزیه اجراسنه ابتدار اولندی .

اعلام مذکورک خلاصه مائی کونک دره نام میری اورمانندن بلارخصت یکریمی ایکی عدد کوکنار اشجاری قطع ایلدیکی ادما اولنان حاجی حسینک تحدید جزاسنه دائر بادیه لاحق اولان حکمک عندالاستیفاف فسخلیه ضبط ورقه سی مندرجاتیه شهودک اخباراتی مظنونک اورمانده اغاجلرم واردر یولنده کی اقرارینه و بناء علیه سماعه معطوف اولوب منازع فیه اشجارک مظنون طرفندن قطع ایلدیکنه دائر مشاهدهیه مبتنی بر کونا شهادت ویا اول قوتی حائر دلیل و اماره موجود اولماسنه مبنی برائنه دائر تنظیم و اعطا قلنان اعلام استینافینک تمیزاً نقض و اعاده اولنمی اوزرینه اولباده اجرا قلنان محاکمه و تدقیقات استینافیه نتیجه سنده ضبط ورقه سی مندرجاتیه شهادت واقعیه بیننده مبیانت کورلمسنه و کرچه مرقوم حسینک اورمانده اغاجلرم واردر دیدیکی شهادت واقعدن اکلشلمقده ایسه بوندن مذکور اشجارک مرقوم طرفندن قطع ایلدیکی معنای استنباط اولنه مایه جغه بناء قرار سابق استینافیده اصراره قرار ویرلیدیکی متضمندر .

تمیز استدعا نامه سنده مظنون مرقومک بلارخصت اشجار قطع ایتدیکی اخبارات و ضبط ورقه سی مندرجاتیه ثابت ایکن حکم سابقده اصرار اولنمی مغایر قانون ایدوکنندن بخله اعلام اخیر استینافینک دخی قضی استدعا اولنمش و تبلیغنامه ویریلان قرار اسباب موجبیه مستند اولغله تمیز استدعا نامه سنده مندرج اعتراضاتک غیر وارد ایدوکی بیانیه ردی لزومی کوسترلمشدر .

ایجابی لدی المذاکره نقض سابق اعلامنده دخی کوسترلیدیکی اوزره مظنون حاجی حسینک میری اورمانندن اشجار قطع ایتدیکی مرقومک اولباده سبق ایدن اقرارینی صورت صریحه ده بیان و افاده ایدن شهودک اخباراتی ایله مثبت اولوب بنابرین شهادت مذکور یالکیز اقراره منحصر اولمادیکی کی اشبو شهادت ایله مبرز ضبط ورقه سی بیننده حائر تأثیر بر مبیانت غیر موجود بولنش ایکن محکمه استینافیه جه اجراسنه ابتدار اولنان محاکمات و تدقیقات اخیره نتیجه سنده بوجه محرر اتخاذ قرار اولنمی یولسز و مغایر اصول وقانون اولوب اعتراضات واقع شو صورتله وارد و بجا کورنمش ایدوکنندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منظوقنجه اعلام اخیر استینافینک دخی سبب مذکور ببناء نقضیه احکام قانونیه دائره سنده ایفای معامله اولنقی اوزره اوراق متعلقه سنک محکمه مذکوریه اعاده سنه و درتیوز غروش اعلام خرجنک تعرفه و تعلیمات مخصوصه سنه توفیقاً ایلروده حقنر چیه حق طرفندن استیفا سنه ۱۱ حزیران ۱۳۳۰ تاریخنده متفقاً قرار ویرلیدی .

محکمه تمیز استدعا دائره سنده صادر اولره ۸ قانون اول نه ۳۳۰ تاریخی و ۴۳۵۷ نومردی اعلام صورتنر:

« ادرنه ولایتی داخلنده کی بدایت محاکمه صلح قانوننه توفیقاً رؤیت و تدقیق لازم کلان مواد جرمیه محاکماتک مدعی عمومی حضوریه اجرایی لزومنه دائر »

کشان قصاصی بدایت محکمه سی حاکمکنندن تنظیم و اعطا قلنان ۱۹ کانون اول ۳۲۹ تاریخی اعلامک تمیزاً تدقیق طلبی حاوی محکمه مذکور مدعی عمومیلکی جانبندن معطی استدعا نامه ایله اوراق متفرعه سی باش مدعی عموم ملک مأموریت علیه سندن تبلیغنامه محکمه تمیز استدعا دائره سنه تودیع اولنمش ولدی التذقیق مذکور استدعا نامه نک مدت قانونیه سی طرفنده اعطا قلندیکی اکلشلمش اولدیغندن بالقبول تدقیقات تمیزیه اجراسنه ابتدار اولندی .

اعلام مذکورک خلاصه مائی اندریا ولد خرالامونک خانه سنه سرخوش اولدینی حالده لیللاً دخول ایلدیکی درجه ثبوتده کوریلان اشخاصدن اغوب اوغلی اونیکک سرخوشلق فعلی سبب شدت عدلیه حق دخولی اولمایان محله کیرمسندن طولایی قانون جزانک ایکی یوز الی سکنزنجی ماده سی حکمنه توفیقاً یکریمی درت ساعت حبسنه و ایکی یوز غروش جزای نقدی اخذینه و جزای نقدی ویرمکدن امتناع ایلدیکی تقدیرده بوندن طولایی سکنز کون حبسنه قرار ویرلیدیکی متضمندر .

لایحه تمیزیه ده حقنده تطبیق اولنان ماده قانونیه ده اصابت اولمادیغندن بخله اعلام مذکورک قضی استدعا اولنمش و تبلیغنامه دخی مظنون علیک ارتکاب ایلدیکی فعللردن سرخوشلغک دیگر جرمه سبب کوسترلیدیکنه و استناد اولنان ایکی یوز الی سکنزنجی ماده سنده کی جزای نقدی الی بشلکدن اون بشلکه قدر ایکن ایکی یوز غروش جزای نقدی ایله محکومیتنه قرار ویرلیدیکنه دائر اولان اعتراضک تدقیقندن اول مظنون مرقومک اسناد اولنان فعللره اجتناساری حقنده بر کونه شهادت و دلائل و امارات موجود بولمادیکی و حصر دعوی دخی ایلدیکی حالده فعلک شهادت ایله ثبوتندن و حصر دعوان بخله محکومیتنه قرار ویرلمی یولسز و نقضی مستلزم بولندیغندن اعلام مذکورک مظنون مرقومه عائد فقره حکمیه سنک بو سببندن قضی طلب ایدلمشدر .

ایجاب کیفیت لدی المذاکره ادرنه ولایتی داخلنده کی بدایت محاکمه صلح قانوننه توفیقاً رؤیت و تدقیق لازم کلان مواد جرمیه محاکماتک مدعی عمومی حضوریه اجرایی ولایت مذکور تشکیل محاکم قانوننک بشنچی ماده سی صراحتی ایجابندن ایکن محکمه محلیه جه مظنون علیه اونینک حقنده اجراسنه ابتدار اولنان امر محاکمه نک صورت محرره دائره سنده جریان ایتدیلمی لزومندن ذهول ایدلمی یولسز و مغایر اصول و قانون اولوب اعتراضات واقع تبلیغنامه ده دخی کوسترلیدیکی اوزره شو صورتله وارد و بجا بولندیغندن اصول محاکمات جزائییه قانوننک اوچوز اون دردنچی و اوچوز اون طقوزنجی ماده لری منظوقنجه اعلام مذکورک بوسببندن



نقضیه احکام قانونیه دائره سنده ایفای معامله اولنق اوزره اوراق متعلقه سنک محکمه مذکوره به اعاده سنده و درتیوز غروش اعلام خرجنک تعرفه و تعلیمات مخصوصه سنده توفیقاً بالاخره ایجاب ایدن طرفدن استیفاسنه ۳ تموز ۳۳۰ تاریخده متفقاً قرار ویرلدی .

### محکمہ تمیز جزا دائره سنده

محکمہ تمیز جزا دائره سنده صادر اولده ۲۲ نسر به اول سنه ۳۳۰ تاریخ ۳۵۷۹ نومرولی اعلام صورتیبر:

« فاعلیت قراری قابل تمیز مقرر اتدن دکدر »

نابلس سنجاعی بدایت محکمه سی جزا دائره سندن تنظیم واعطا قلنان ۸ رجب سنه ۳۳۲ و ۱۹ مایس سنه ۳۳۰ تاریخلی ویکرمی بر نومرولی اعلام و مذکور اعلامک سلامه بن یوسف الهدشه و محمد بن یوسف ابوخلده عائد قسمیه شهادت کاذبه فعلندن برائتیرنه قرار ویریلانلردن احمد بن حسین الحمود و عباده بن خلیل الخطیب و اسماعیل بن سلامه الاسماعیله متعلق جهتنک دخی تمیزاً تدقیق حقنده محکمه مذکوره مدعی عمومی معاونلکنندن معطی استدعائمه ایله اوراق متفرعه سی باش مدعی عمومیک مأموریت علیه سندن ۱۲ ذی القعد سنه ۳۳۲ و ۳۰ ایلول سنه ۳۳۰ تاریخلی و اوچ بیك یوز اوتوز سکر نومرولی تبلیغنامه ایله محکمه تمیز جزا دائره سنده تودیع ایدلمش ولدی التدقیق استدعائمه نک مدت قانونیه سی طرفنده ویرلدیکی آکلاشلمش اولغله بالقبول اوراق موجوده قرائت اولندی .

اعلام مذکورک خلاصه مالی نابلسک تفرثلک قریه سندن محمود بن شهاده ابوالرزی قتل و اوکوزلرینی یغما و غارت و احمد بن حسین الحسن و العبد بن احمد ابو داغر و سلیمان السلیم ابوالرزی ضرب و جرح ایلدکری و اتنای محاکمه ده شهادت کاذبه ده بولندقلری ادعا قلنمسندن دولای ایکی قطعه مضبطه موجبجه جنایتله اتهام اولنان معلوم و الاسامز اشخاصک و جاهاً و غیاباً اجرا قلنان محاکمه لری نتیجه سنده تهملردن موقوف محمود بن یوسف الهدشه نک من غیرمتمد فعل قتل و فراری سعید بن احمد الموسانک سلیمان بن سلیم ابوالرزی قتل قصدیه جرحه جرأتلری ثابت اولدیغندن اولوجهله مجرمیتلرینه و بولنلردن محمودک حرکته تطابق ایدن قانون جزانک یوزیتیش دردنجی ماده سنده توفیقاً اون بش سنه مدته کورکه قولنسه و مجرم دیگر سعیدالموسی ایله فعللری جنبه به تنزیل ایدیلانلردن محمد بن یوسف ابو خالد و صالح بن العبدالعیسی و اسماعیل بن مصطفی العیسانک دیگر ماده دن متهم اولوب محاکمه لری دردست رؤیت بولنسی حسیله تحدید مجازاتلرینک انک نتیجه سنده تعلیقنه و کذا فعللری جنبه به تنزیل ایدیلان سلامه بن یوسف الهدشه و محمد بن شهاده الاغرضک

بر سنه حبسلرینه و شهادت کاذبه ماده سندن دولای اتهام ایدلمش اولان عبدالحفیظ و احمد بن محمود الحاج و عباده بن خلیل الخطیب و اسماعیل بن سلامه الاسماعیل ایله دیگر متهملرک برائتیرنه حکم اولندیغندن عبارتدر . مدعی عمومی معاونلکننک لایحه سنده مرقوموندن سلامه محمدک دخی محمود بن یوسف ایله مشترکاً مقتول محمودی ضرب و جرح ایلدکری مقتولک قبل الوفات تخصیصاً واقع اولان ادعاسی و مخبرلرک افاداتی و مقتول مرقومک باشند الدینی جریحه دن وفاتی و قوعبولدیغنی مشعر اطبا راپورلری مندرجاتی ایله ثابت ایکن جنبه درجه سنده محکومیتلرینه کیدلمسی و شهادت کاذبه جرمیه متهم بولنان معلوم الاسامی کسانک ده جرم مذکور جرأتلری کندولرینک برنجی محاکمه ده اعطا ایلدکری شهادتیرینک بر قسمی ایکنجی محاکمه ده انکار ایتلری و دائره استنطاقده کی افاده لرینی حضور محکمه ده کلیاً تکذیب ایتلری و بعدالاتهم اجرا ایدیلان محاکمه ده دائره استنطاقده کی شهادت واقع لرینک و قوعنی افاده ایتلری ایله تحقق ایتیش اولدینی حالده برائتیرنه قرار ویرلمسی مخالف قانون اولدیغندن بحثله مرقومونه عائد حکمک نقضی استدعا قلنمشدر .

حکم تمیز بهله جهت جنایتدن دولای تدقیقات تمیزیه اجرا اولندقدن تبلیغنامه دخی بیان اولدیغنی وجهله قتل ماده سندن متهم اولوب نتیجه محاکمه ده جنبه فعلنک فاعلی اولدیغنه قرار ویریلانلردن محمد بن یوسف ابوخلده تحدید جزاسی اتهام ایدلمش اولدینی دیگر بر مسئله نک ختامه تعلیق قلنمش اولسنه و فاعلیت قراری قابل تمیز مقرر اتدن معدود بولنمسنه و شهادت کاذبه دن ناشی برائتیرنه قرار ویریلان احمد بن حسین الحمود و رفاسنک متهملرک لهنه شهادت کاذبه ده بولندقلری افادات استنطاقیه لرینی انکار ایتلری کی دلائل ایله مرتبه ثبوت و اصل اولمش ایکن برائتیرنه قرار ویرلمسی مخالف قانون اولدیغنه دائر لایحه تمیزیه ده سرد ایدیلان اعتراضات هیئت حاکمه نک حق تقدیرینه عائد و راجع اولسنه مبنی مارالد کر تمیز استدعاسنک مرقومونه عائد قسمنک ردینه و رأساً تابع تمیز اولان محمود ایله حقنده کی جنبه قرارینه اعتراض ایدیلان سلامه به کنبه شهود مستمعنک استنطاقاً و عن محاکمه یکدیگرینه مخالف و متباین بر صورتده متهم محمودک بالطله و یا اوجی تیمورلی صوبای ایله مقتول مرقومک باشنه و کذلک سلامه نکده میخی طوپوز و یا بالطله ایله مرقوم محمودک باشنه اوردقلرینی افاده ایتیش اولمیرینه نظراً اخبارات مذکورده دن مذکور جریحه نک منحصرراً محمود بن یوسف الهدشه طرفدن ایقاع اولدیغنک صورت تفریق بالاطراف توضیح قلنمامش و لایحه تمیزیه ده مرقوم سلامه حقنده کی اعتراض شوصورتله وارد کورلمش اولدیغندن مرقومانه عائد حکمک اصول محاکمات جزائییه قانوننک اوچوز اون دردنجی ماده سنده توفیقاً نقضیه احکام قانونیه دائره سنده ایفای معامله اولنق اوزره اوراقنک محله اعاده سنده و ایکی یوز غروش اعلام خرجنک ایلروده حقسنر حقیقه جق طرفدن تحصیلنه ۴ تشرین اول سنه ۳۳۰ تاریخده متفقاً قرار ویرلدی .



محکمه تمیز جزا دأره صادر اولاره ١١ كانون اول سنه ٣٣٠ تاریخ ٤٨٢٥ برمرولی اعلام صوریندر:

«مقتولک وجودنده کوریلان جروح متعدده نك نه کبی آلتلره و کیمک سلاحیه حصوله کلدیکی حقدنه تدقیق ت لازمه ایفا اولنهرق ولدی الایجاب مذکور سلاحلرده اهل خبریه معاینه ایتدیریلهرک حاصل اوله جق نتیجه یه کوره اتخاذ قرار اولنسی لزومنه دأثر»

ملاطیه سنجانغی بدایت محکمه سی جزا دأره سندن صادر اولان ٢١ ذی الحجه سنه ٣٣٢ و ٢٧ تشرین اول سنه ٣٣٠ تاریخلی و یوزاللی ایکی نومرولی اعلام ایله اوراق متفرقه سی باش مدعی عمومیلک مأموریت علیه سندن ٣ صفر سنه ٣٣٣ و ٨ کانون اول سنه ٣٣٠ تاریخلی و درتیک درتیوز سکسان بش نومرولی تبلیغنامه ایله ١٠ کانون اول سنه ٣٣٠ تاریخنده محکمه تمیز جزا دأره سنه اعطا قلمشدر .

اعلام مذکورک خلاصه مالی یورغننک یوکزی قریه سندن هوکونک اوغلی یوسف و مخدومی ابوزرک ماده قتلرندن طولای جنایتله متهم و غیاباً محکوم بولن اشخاصدن برهمزک قریه لی بکونک ابوحسین اوغلی دیگر ابوکنجو اوغلی حسن حسین و معدن اوغلی عثمان واورته کوی قریه لی دیگر ابومامو اوغلی حسینک دردست اولنلرینه مبنی و جاهاً اجرا قلنان محاکمه علیه لری نتیجه سنده مرقوموندن کنجو اوغلی حسن حسینک وقوعوفاتنه مبنی حقدنه کی حقوق عمومیه دعوا سنک سقوطنه و بکونک اوغلی ابو ایله حسین اوغلی دیگر ابونک من غیر تعمد فعل قتل مذکور جراثلری شهادت واقع و دلائل سائر ایله ثابت اولدیغندن مجرمیتلرینه و حرکتلرینه توافق ایدن قانون جزانک یوز یتش دردنجی ماده سنه توفیقاً اون بشر سنه مدته کورکه قونلرینه و دیگر لرینک براتلرینه ١٧ ایلول سنه ٣٢٧ تاریخنده حکم اولدیغندن عبارتدر .

اوراق دعوانک مطالعه سندن صکره حکم جنائی حقدنه تدقیقات تمیزیه اجرا اولندقدنه مرقومانک فعل مدعایه مجاسر تلی حقدنه کی دلائل ثبوتیه نك و اولبابده محکمه جه حصول قاعته مدار اولان احوالک مجرمیت قرارنده ذکر و توضیحی و راپور محتویاتنه کوره مقتولک وجودنده کوریلان جروح متعدده نك نه کبی آلتلره و کیمک سلاحیه حصوله کلدیکی و منتج موت اولان جریحه نك موضعی و جرمک صورت ایقاعی حقدنه تدقیقات لازمه ایفا اولنهرق ولدی الایجاب مذکور سلاحلرده اهل خبریه معاینه ایتدیریلهرک حاصل اوله جق نتیجه یه کوره فعل قتل مذکورده مرقومانک صورت و درجه اشتراکلرینک تعیین و تصریحی لزومنه رعایت اولنماش و بوجهتلری متضمن اولان تبلیغنامه محتویاتی وارد و بجا کورلش اولدیغندن اصول محاکمات جزائییه قانوننک اوچیوز اون دردنجی ماده سنه توفیقاً حکم جنائی مذکورک تفضیله احکام قانونیه دأره سنده ایفای معامله اولنق اوزره اوراقلک محله اعاده سنه و ایکیوز غروش اعلام خرجنک ایلروده حقسنز چیقه جق طرفدن تحصیلنه ١١ کانون اول سنه ٣٣٠ تاریخنده متفقاً قرار ویرلدی .

محکمه تمیز جزا دأره سندن صادر اولاره ٢٨ كانون اول سنه ٣٣٠ تاریخ ٤٨٠١ نومرولی اعلام صوریندر:

«مدافعه وکیلنک نتیجه محاکمه ده سرد ایتدیکی مدافعاتک هر برینه عائد اسباب ردیه نك قرار مجرمیتده توضیح قلمامسی موجب نقضدر»

ایچ ایل سنجانغی بدایت محکمه سی جزا دأره سندن تنظیم واعطا قلنان ٢٩ رمضان سنه ٣٣٢ و ١٠ حزیران سنه ٣٣٠ تاریخلی و یتش بش نومرولی اعلام ایله اوراق متفرقه سی باش مدعی عمومیلک مأموریت علیه سندن ٢ صفر سنه ٣٣٣ و ٨ کانون اول سنه ٣٣٠ تاریخلی و درتیک درتیوز التمش الی نومرولی تبلیغنامه سی ایله ٨ کانون اول سنه ٣٣٠ تاریخنده محکمه تمیز جزا دأره سنه تودیع ایدملکه مطالعه قلندی .

اعلام مذکورک خلاصه مالی انا مور قضا سنده کورلویک قریه سندن و قبطی طائفه سندن جوجکی اوغلی حسینی قتل ایلدیکی ادعا قلمسندن دولای جنایتله اتهام اولنان قریه مذکورده لی ملا دورمش اوغلی حسنک جنحه مظنونیه برابر اجرا قلنان محاکمه سی نتیجه سنده متهم مرقومک من غیر تعمد قتل فعلنه جراثی ثابت اولدیغندن مجرمیتده و حرکته تطابق ایدن قانون جزانک یوز یتش دردنجی ماده سنه توفیقاً اون بش سنه مدته کورکه قونلرینه و جنحه مظنونی محمودنده برسنه حبسنه ١٠ حزیران سنه ٣٣٠ تاریخنده حکم اولدیغندن عبارتدر .

محکوم ملا حسن طرفندن ویریلان لایحه ده علیه نه برکونه دلیل و اماره اولیوب مقتولک قرداشنک ادعاسی و منازعه یه سبیت و یرن و فعل قلی ایقاع ایدن جنحه مظنونی کور محمود ایله قنداشنک افاده لرله محکوم ایدلرکنه و سائر یه دأثر اعتراضات سردیله اعلامک نقضی استدعا قلمشدر .

حکم جنائیدن دولای تدقیقات تمیزیه اجرا اولندقدنه تبلیغنامه ده دخی بیان اولدینی وجهله اوراق اتهامیه نك قرائتی متعاقب متهم مرقومک مابه الاتهامی اولان ماده نك تصریح و بیانی صورتیه مدعی عمومیلکجه سرد ادعا اولنق لازمکلورکن بولزوم قانونیه مراعات اولنماسی و شاهدلردن احمد بن مصطفی اوغلی محمد و رضا بن دورمش و محمد قزی سنمک کیفیت تحلیفلرینک اراده قلمامسی و دردنجی و یشنجی و یدنجی و سکزننجی جلسات محاکمه ده هیئات حاکمه جه تبدل واقع اولدینی حالده ضبط سابقک قرائت اولنماسی و شاهدلردن دورمش اوغلی علی اونباشینک بعد التحلیف استماع قلندی ضبطنامه ده محرر ایکن بو عباره نك اعلام مذکورده بلا تحلیف استماعی صورتنه تحویل قلمش اولسی و عند الاستجواب طرفینه برکونه قرائتی اولدیغنی افاده ایتدیکی ضبطنامه نك طقوزنجی صحیفه سنده کوستریلان شاهد مرقومک ذات و شهادتی حقدنه کی سؤاله قارشى متهم مرقوم مقتولک برادری اولدیغنی درمیان ایتش اولسنه کوره حین استجوابنده بوجهتک تدقیق و اعلامده تصریح ایدلما سی و مدافعه وکیلنک نتیجه محاکمه ده سرد ایتدیکی مدافعاتک هر برینه عائد اسباب



ردیه نك قرار مجرومیتده توضیح قلمامسی مغایر اصول وقانون کورلمش ولایحه محتویاتی بو اعتبار ایله وارد بوللمش اولدیغندن اصول محاکمات جزائیة قانوننك اوچیوزاون دردنجی ماده سنه توفیقاً حکم مذکورك تقضیه احکام قانونیه دائره سنده ایفای معامله اولمق اوزره اوراقلك محلنه اعاده سنه وایکی یوز غروش اعلام خرجنك ایلروده حقسز چیقه جق طرفدن تحصیلنه ٩ کانون اول سنه ٣٣٠ تاریخنده متفقاً قرار ویرلدی .



2

# مذرجات

## قسم رسمی

صیغه  
نومر و می

ه شباط ١٣٤٠

|                        |                                                                                       |                                 |
|------------------------|---------------------------------------------------------------------------------------|---------------------------------|
| ١١ کانون ثانی ٣٣٠ ٦٥٦٥ | (١) —                                                                                 | نومبریات عدلیه                  |
| » » » ٦٥٦٦             | (٢)                                                                                   | » »                             |
| » » » ١٥               | (٣)                                                                                   | » »                             |
| » » » ١٨               | (٤)                                                                                   | » »                             |
| ٢٨ کانون اول ٦٥٦٧      | (١) — ممالک اجنبیه ده بولسان اشخاص<br>مظنونیه تبلیغ اولنه جق اوراق<br>حقنده           | تبلغات عمومی<br>» »             |
| ٥ کانون اول ٦٥٦٧       | (١) — بر دین مدیون اوزرینه مضمون<br>اولدینی تقدیرده کفیللرک مسئولیتی<br>اقتضا ایتمز . | ملک تمینیه مقنن دایره می مقرانی |
| ١٣ کانون ثانی ٦٥٧٠     | (٢) اجر مثل حقنده                                                                     | » »                             |
| ٢١ » » ٦٥٧٢            | (٣) غصب دعواسی                                                                        | » »                             |



|      |     |    |           |                                                                                           |  |   |   |
|------|-----|----|-----------|-------------------------------------------------------------------------------------------|--|---|---|
|      |     |    |           | مجلسهٔ نهمین استماعاً دائره سی مقرراتی — (۱) قانون جزائک ایکی یوز اوتوزنجی                |  |   |   |
| ۶۵۷۶ | ۳۳۰ | ۲۰ | کانون اول | ماده سینه موافق مواد جرمیه دن<br>اولان دعاوی محاکم صلحیه یه عائددر.                       |  |   |   |
|      |     |    |           | (۲) جنحه موادیته متعلق محاکم ابتدائیه دن                                                  |  | » | » |
| ۶۵۷۷ | »   | »  | ۲۰        | صادر اولان مقرراتک محاکم استینافیه<br>نزدنده کی مدعی عمومیلرک استینافه<br>صلاحیتی وارددر. |  |   |   |
|      |     |    |           | (۳) جهت جزائیه ده کی صلاحیت حکمیه                                                         |  | » | » |
| ۶۵۷۸ | »   | »  | ۲۴        |                                                                                           |  |   |   |
|      |     |    |           | مجلسهٔ نهمین جزا دائره سی مقرراتی — (۱) ضرب و تلف نفس                                     |  |   |   |
| ۶۵۸۱ | »   | »  | ۲۷        | تشرین اول                                                                                 |  |   |   |
| ۶۵۸۲ | »   | »  | »         | (۲) شهادتده تحلیف                                                                         |  | » | » |
|      |     |    |           | (۳) مجرمیتک ادلهٔ ثبوتیه سی و اخبارات                                                     |  | » | » |
| ۶۵۸۴ | »   | »  | »         | واقعه تک ثبوت جرمه صورت تعلق<br>و تأثیری مجرمیت قرارنده بر تفصیل<br>ذکر ایدیلیدر.         |  |   |   |
|      |     |    |           | (۴) مجرمیت و تحدید جزا قرارلرنده                                                          |  | » | » |
| ۶۵۸۵ | »   | »  | »         | مجرمک سنی حقنده کی قیدک ضبطنامه<br>و اعلامه یازلامسی                                      |  |   |   |
|      |     |    |           | (۵) حقوق عمومیه نامنه سبق ایدن                                                            |  | » | » |
| ۶۵۸۶ | »   | »  | ۲۹        | ادعائک اسباب موجب رديه سنک<br>کوسنرلمسی لزومنه دائر                                       |  |   |   |
|      |     |    |           | (۶) جبراً قادین قاجیرمق                                                                   |  | » | » |
| ۶۵۸۸ | »   | »  | »         |                                                                                           |  |   |   |

### قسم غیر رسمی

اسویمجه قانوننامه مدنیسی [ مابعد ]  
وکلائی دعاویدن نظرت خاجریان افندینک